

QUÆSTIO MEDICA,

9.

Cardinaliis disputationibus manè discutienda in Scholis Medicorum, die octavâ Aprilis 1721.

M. MICHAËLE-LUDOVICO RENEAUME,
DE LAGARANNE, Doctore Medico, Regiæ
Scientiarum Academiæ socio, & Chirurgiæ Ver-
nacuulæ Professore, Præside.



An alvi luxitas in herniosis Ileum præcaveat?

I.

QUI bene valet & suæ spontis est, nullis debet se legibus adstringere, inquit Hippocrates Romanus. At quoniam frequenter à tali statu decedere solemus; ut redeat sanitas bonorum omnium condimentum, sine quo cætera vilescunt & sordent, leges sapienter positæ sunt à Veteribus, multoque sapientiùs aliæ additæ à subsequentiùs. Has prophylacticas vocavere seu præcautiones, quæ venturos antevertunt morbos; quibus etiam bene valentes altrangi tenentur si sapiunt. Hæ quidem non systematum ope inventæ, sed experientiâ & observatione ducibus. Amissa sanitas restituitur morbi præfigatione per contrariâ: acquisita autem & constans similium ope conservatur. Nobis vetò præstantior videtur qui mala avertere & præcavere noverit, quàm qui simpliciter sanare. Hoc ultimum fortè Fortunâ nonnunquam præstant spurii & abnormes Medicastroi *αἰσχροὶ καὶ ἀνέμεικτοι* non secus ac mulierculæ. Astrologi non semper errant etiamsi mentiantur. At utrumque, hoc est sanare & præcavere morbos norunt legitimi Medici instrumento præsertim illo, quod diætæ nomine insigniunt. Cave intellexcris tantummodò alimentorum exhibendi rationem. Hæc enim res illas omnes, quas minus aptè non naturales dixere, complectitur & dirigit; quarum rectum ac legitimum usum præscribit; æris scilicet cibi, potus, &c. Theoreticam horum omnium doctrinam hygieines nomine designant: hæc Medicinæ pars tantoperè à Physicis practicis hucusque, nec dum satis exculta, quanto in prætio haberi debeat, soli ferè intelligunt sapientes & experientur sobrii; hæc ipsâ Medicum à quovis etiam perito artis ministro discernere poteris. Hi medicamentis satagunt morbos & symptomata auferre; Medicus ferè semper curam morborum à regimine auspicatur, & sæpè hoc unico perficit instrumento: quia bene utenti bonæ, malè utenti prævæ sunt res istæ; quas diætæ variè pro ætatis, sexûs, conditionis, loci, temporis, quin & morbi-varietate, dispensat. inter illas non ultimum sibi vendicant locum excrera & retenta. Si enim ea quæ excernuntur, debito se habeant modo, statisque temporibus amandentur, nec retinenda excernantur; vigeat sanitas & conservabitur: sin minus, è statu suo decidit corpus, morbisque subijciatur. Multa v. g. de retento semine fabulosa circumferuntur, melancholicis affectibus potius adscribenda; quæ de ultra modum aut illegitimè excrero narrantur, veriora comperies. Naturalium functionum, officina alvina regio, nutritionis & generationis organa complectitur, præcipuamque excernendorum materiam in sinu suo continet. Inter hæc

Aurel. corn.
cel. l. i. c. 1.

A

Dodartius com-
probavit sancto-
r. experim.
*ontendit Elog.
des Acca.

vulgarium hominum sensu copiosissima existimatur fecum excretio; quod experientia sanctorianæ Dodartianæque repugnat. Nænas non cantamus physicas, sed observatores sedulos sequimur. Fæces alimenta sunt ipsa, quæ innumeras in transitu suo ab ore ad podicem perpeffa sunt alterationes, certamque imminutionem, nutritioni impendi solitam: dividuntur enim, diluuntur, triturantur, variis permixta humoribus modo colore inficiuntur alieno; modò in tenuium intestinorum cribro quasi transcolata, lacteum deponunt ctemorem, modò obstructis lacteis ductibus ipso chylo foeta, crassa subeunt intestina; unde caseosæ nonnunquam egeruntur defectiones: modò sale bilis orbara nihilo vel albo, ut aiunt, Græco similia decolores monstrant fæces; modò duræ & quasi exsiccatæ remorantur, aut foras prodeuntes podicem lacerant: modò iusto dilutiores; hinc modò citius, modò tardius levant corpus. Dum naturalem servant ritum, nullam creant molestiam: sin tardius; quot & quanta accersunt mala! si, quàm par est, citius; alterius generis morbos inferunt & symptomata, quæ in initiis legitimo dictatum tetum usu ad mediocritatem redactò facillè compescerentur. At inter morbos quos fovet & exasperant tetentæ fæces, hernias si numeravero, numquid à veritate alienum dixerò? morborum prophylaxis tota versatur in dirigendo, non ordinario, quod sanis reliquit, sex rerum non-naturalium, ut aiunt, usu; sed convenienti uniuscuiusque diathesi, pro morbis quos ei rimendos novit & arcere desiderat: ut futura quæ prævidet avertat mala, sique sanitatem retineat. Si igitur alvi constructio & fecum durities herniarum causa haberi queant, & revera illas exasperent, ileum lethalem excitando, alvi profectò laxitas è directo opposita & contraria has impedit, illumque tam ditum præcavebit morbum, herniæ supervenire solitum: unde legitima genuinacque habebitur prophylaxis utriusque morbi, quos plebs inepta Chirurgiæ unice manipatos autumat.

II.

TAM latè nunc sese aperit Chirurgiæ campus, ut jam Ars illa non secus ac Medicina dividi cœperit: id potius materiæ ubertati, quàm artificum inertitæ adscribendum censemus; unde pars Chirurgiæ operatricis, quæ syntheficos illius speciei dedita, quam Taxim vocant, herniarum curam suscipit, siue has tactu reponere satagat, siue fasciis reductas continete, adstringentibusve medicamentis aggrediatur, proprios sibi vendicar artifices, qui toti incumbunt symptomatibus præcavendis, inter quæ ileus omnium maximè timendus. At priusquam symptomatis illius herniæ *επισημνών* causam expendamus, herniarum naturam distinguenda, & ilei species evolvendæ. Herniæ nomen *πύλος* *πὶ* *ἐν* *ὀ* *σ* *φ* *ρ* *α* *τ* *ῶ* *ς* formatum existimat Scaliger, hinc Celsus ramicem verum, sed equivocum sic dilucidato, tumor omnis veteribus *ῥάιν* dictus est quocumque in loco; sed postea frequentius de scroti tumore, quatenus decido, usurpata hæc vox: unde, Gallis, *descente*. Sed quoniam tres statui solent generales tumorum causæ, fluxio scilicet, congestio, & partium decubitus, licet in scroti morbis concurrant; facilioris distributionis causâ (satis, enim obscuram tradiderunt Scriptores) tibi sit hæc lex. Qui tumor à contiguitate solutâ siue partibus à sede moris efficitur, pro duplici partium conditione, si duræ sunt, luxatio dicatur; si molles, herniam in genere Latini nuncupant, & latius accipe quàm solium est, hoc nomen; licet à multis ex aliâ parte magis, quàm par est, extendantur. *ῥάιν* & ramicis nomina herniæ generaliter sumptæ non omninò respondent; etiam si certis tantum competant tumoribus, falsò tamen & minus aptè gutturis tumorem Alpes inhabitantibus familiarem bronchocele dixere: melius aptatur scroti tumoribus quos appellant hydrocele, pneumatocele seu phyllocele, liparoccele, satoccele & circoccele seu ramicem, vasorum scilicet spermaticorum dilatationem, unde etiam varicocele audit. Etiam si ramicis generali nomine hernias omnes indicet Celsus; hi tumores tamen minus rectè herniatum in numero collocantur, nisi pro spuris habeas herniis. Rectius herniarum generi adjungerentur sequentes, totius oculi extra orbitam prominentia, *πεγμων* dicunt, vel

F. Aquap. part.
1. cap. 71.

uveæ extra corneam ulceratam vulnerarumve prolapsus; staphyloma audit? uuvula, ani, uterique decidencia, vel testium recursus ad inguina, vel intestini pars in iliaca passione in partem vicinam sua deve protrusa & condita. At vulgari more loquentes, herniæ legitimæ nomen tribuimus iis solummodò morbis, quibus ex abdomine partes exire solent; quod multipliciter accidit, vel enim vulva ligamentorum latorum vitio, vel anus musculis suis alteratis subsident: nec adeò rarus est vesicæ ipsius in scrotum descensus, seu contenti liquoris pondere, sive tunicarum laxitate: quin & stomachi portio extra abdomen prorumpens unà cum peritoneo aliquoties observata fuit, dilatatis linæ albæ fibris, infra umbilicum vel supra, ejusdemque stranguatio cardiogmo, aliisque stipata symptomatis. Noli enim tibi persuadere peritoneum in aliis locis quàm in inguine non posse dilataré, herniamque generare. Placet hac super re Medici Amstelodamensis candor, qui se diversas hernias vidisse fatetur quas Chirurgi, abcessuum ritu tractarunt, assertque illorum ridiculam excusationem, quod scilicet non alio in loco quàm in inguine, herniam fieri posse crederent. Quod ad stomachi herniam spectat in ipso pectore factam vel à lethali vulnere, casis, vel empyematis acri materiâ corrosis diaphragmatis fibris, eam profectam fuisse ostendunt duplex fibrarum ordo, & vis ingens hujus musculi. Hujusmodi observata fuit ab aliquot annis in Frarum Chæritatis nosocomio, per vulnus ictu gladii inflictum, ab inferioribus ad superiora, quo cæsa transversim fuerant carnae diaphragmatis fibræ. Rara hæc quidem; ideoque jam quas veras vulgus vocat, intueamur hernias; illas scilicet quæ ex intestino, vel epiploo, vel utroque simul excitantur: denominationem suam profitu vatiant, nam in diversis abdominis regionibus reperiuntur, & ubique ferè à vulnere oriri possunt herniæ. Speciem unam notat Dolæus, quam lumbatam appellat, inter costarum notharum extremam, & ilii marginem; à fibrarum transversis, obliquorumque musculorum divisione factam: quæ quidem infrequens, si unquam extitit, nisi à vulnere; ad obices enim in hoc loco consistentes superandos, quanta vis foret necessaria. alia in hypogastrio observata sæpius fuit, quæ abcessum mentiens, minus expertos decipit; hæc à male coalescente peritoneo intra abdominis cavitatem quam musculi formant; extra peritoneum inter ipsum scilicet & musculos, in ipsa peritonei cicatrice diducta; alvinam vernacule, *herniæ ventrale* vocant, prodit. Sic relaxato umbilicalis funiculi nodo exurgit exomphalos, vel etiam ad latus, aliâ de causâ. Præter inguinalem herniam, bubonocœlem dicunt, seu incompletam, quæ adhuc species in eadem ferè regione considerabis; harum prima nomen obtinuit nudum; cum nempe deciduæ partes inter musculos subsistunt, quod iniuriis morbi fieri possibile est; an-notata quidem est aliquandò post imperfectam reductionem, propter annulorum dispositionem, & pravum agri situm repositionis tempore. periculo cerè non vacat, præsertimque si inficius æger, arctiori subligaculo utatur. Cum autem hernia à spermaticis recedens vasa sequitur cruralia, cruralis habetur, non ita infrequens morbus, tandem completa erit hernia, oscheocœle dicta, cum in scrotum masculis, ad pudendi labia in mulieribus, pervenerint prolapsæ partes; quidquid contra senserint Chirurgi vetetes, quibus non innotuerat ligamentum rotundum, à peritoneo membranam mutuari. Pro partis conditione habetur etiam Enterocœle, Epiplocele, & Enteropiplocele; quæ symptomatis variis agros cruciant: inter quæ rimendum horrendumque magis nullum ileo, quem totis viribus præcaveat jater, causam removendo.

III.

ILEI herniæ supervenientis causam ab alvi constrictione proficisci, duritiem nempe & copiam facum, à quibus etiam veræ & legitimæ sæpius herniæ generantur, sapienter affirmabis: nam teverà horum affectuum, sed præsertim ilei, causam nullam aliam require potiorè ipsâ constipatione. Perpendas velim omnes herniarum causas, & fiendi modos; comperies adesse antecedentes,

Videbis Rulschii observat. de lie-nis hernia quia & de utero unà cum contento foras prorumpente & repositio.

Barbærianæ Chirurg. part. 1. c. 7.

Beinard. Valentinus Inst. Chir.

prævias nempe quasdam partium dispositiones, quæ vel ab ipsarum laxitate, sive à pinguedine, sive ab humiditate nimia, vel à pravâ conformatione, vel denique ab unitate solutâ pendent. Hæ quidem à nobis adjuvantes censentur, exceptâ ultimâ, quam inter efficientes numerabimus, quales sunt ea omnia quæ intestina foras protrudere valent, vel compressione, vel percussione. Primum efficere queunt pondere suo, excrementorum copia, aut in obesi pinguedo: alterum efficacius adhuc præstant muscoli utriusque ventris medi, & infimi, unâ cum septo medio, actione & reactione mutuâ; præsertim il qui respirationi famulantur, quorum motus indefinens, dum intestina corpora lævia, rotunda, roreque madida premit; cogit fluxilia hæc corpora hinc & inde elabi, & hæc ubi minores inventiunt obices, eo sese proripiunt. Cum autem nulla aderit via, donec aliquid adveniat quod vim efficientis augeat, non obices superabunt, non fiet partium prolapsus. Procatarectica requiritur causa, quæ ansum præbeat: cujusmodi sunt ictus, casus ab alto, gravis ponderis gestatio, aut aliqua vehemens, insolitaque totius corporis commotio; quales eveniunt ex salutatione, equitatione, vociferatione, canu, sternutatione, ululatu, tubæ, vel similibus instrumentorum inflatione, vagitu in pueris, tussi denique, aut nisu ad expellendas fæces alvo strictâ siccâque nimium; aut mulierum conatibus partus tempore. Hinc matres, obesi, cantores & tubicines, veneri dediti, qui tant diutius, pueri, pinguis aut oleosis abutentes alimentis &c. Hoc morbo sæpius torquentur: verum quis non miretur? has omnes causas remotas judicamus; audemusque affirmare nullam ipsas efficaciam habituras, nisi mediante fœcum copiâ, aut duritie: ut enim aliqua vis exurgat, requiritur corpus aliquatenus solidum, aut quod solidi vices obeat. Licet ergo causam continentem & proximam agnoscat plerique partes ipsas à sede motas, Epiploon nempe, intestina, ileum & jejunum, rarè colon cum appendice; has nos superandis obicibus sufficientes non existimamus; nisi excrementorum, fœcumve copiâ turgant. Antequam autem hæc scrupulosius expendamus, memineris ileum, vel passionem iliacam (nomen à parte, quàm frequentius infestat, desumit) dirum esse symptomata, intestinorum perverso scilicet motu peristaltico, in quo per os fæces rejiciuntur, propter canalis intestinalis infarctum. Obstructio hæc varias quidem agnoscit causas. Intestina enim vel ab inflammatione coarctantur, vel contentis infarciuntur fœcibus, vel à tumore interno angustantur, vel ab externâ, veluti ponderis incumbentis pressione, occluduntur, vel tandem strangulatione, quæcumque id accidar causâ, fæces remorantur, & retrogrado motu ferri coguntur. Excrecentia fungosa nuper in cadaveris pyloro visâ est, dum viveret apertâ continuâ laborans, periodicè alimenta evomebat, ingestorum proportionem satis copiosè; licet non omnino substitisset alvus. Tumoris externi exemplum hoc anno etiam habuimus in nobili Matronâ, de quo tumore inter collegas, non ambigebatur; huic intestina tumoris schirrhosi pondere, in lumbari hypogastricâ regione, pessulo quasi obserata, non omnino tamen occlusa erant: liquida enim sed fœtidissima quandoque per inferiora egerebat, ilco per intervalla longa periodicò torquebatur, atque alimenta parum alterata per aliquod tempus rejecit, tandemque peritura, fæces ipsas non sine cruciatu vehementi reddidit. Aliam prorsus non minus observatione dignam videre contigit ilei speciem, ætate ultimâ, in juvene. Hæc Medicorum ingenia torfit; miser hic macie deturpatus intolerabilia patiebatur tormina, vomitu per intervalla non adco frequentia recurrente. Alvus tamen modò fluida, modò etiam spissa deiciebat: propter maciem tumor inter umbilicum & pubem medius, versus superiora dextri lateris, seu lumbos quasi ascendens, oculis sese offerebat non reitens, sed peculiaris profectò indolis: nam ferè absque dolore palpari poterat, præbebatque fluctuationis sensum singularem. Primâ quidem fronte ad instar emphysematis; sed postea laxum te, granis, vel arenâ oppletum saccum, contrectare dixisset cum quâdam crepitatione. Sparsa de hoc casu ratiocinia exposcit cadaveris sectio. Immodicè in sui extremo dilatarum intestinum ilcum, saccum efformabat fœcibus tumidum; quibus cerasorum nuclei tantâ copiâ permixti

erant, prunorumque non pauci, ut hemina & ultra mensuram superarent. Ab anno saltem ingesta cerasa suspicari licuit. Ab octo mensibus ceperat morbus. Prima labe, inflammatio, quæ tum in mesenterio, tum circa intestinum, in schitrihi speciem defecit. Fibrae intus ex interna tunica enatae, hinc & inde absque ordine sese decussantes, alteram valvulae speciem, à colli initio pollices duos distantem, efficiebant, foramine exiguo, in sui medio perviam facibus liquidi-dioribus. Frequentem verò ileum esse à facibus induratis si propria non susceperet experientia, Fernelium aliosque testes adducere possemus. Hunc si offenderis cave aggrediari curam systemate aliquo innixus; emetica, catharticae proprie dicta, fugias angue pejus, author tibi sum; sed venæ sectione, Balneo, fotu, clysmatis emollientibus, oleis, & omni diluentium genere, adjectis in fine ut loquuntur minorantibus, omne punctum tuleris. Sic in herniâ omni si strangulati intestinum eveniat, quocumque ex enumeratis modis oriatur symptoma illud horrendum, ileus lethifer. Tum in tanto discrimine agri nullam mali sui causam habeant quam sacum in alvo commorantium dutiorem, & copiam. Nam herniæ duplex fiendi modus; vel illic per vulnus, rupturamve motus violentiâ subito factam, partes locum mutant; vel decursu temporis, quæ sensim sine sensu fit hernia, ortum repetit ab interaneorum impulsu, materia excrementitiâ turgidorum, continuo in peritonei fibras arietantium, & pondere suo mesenterii membranas trahentium. Mathematici Physicique norunt quanta sit percussio continuæ vis, de quâ si dubitas, Borellum adi. Scire est enim vim omnem exurgere ex mole multiplicatâ corporis, per velocitates, aut ipsarum quadrata, ita ut exiguum corpus ingenti velocitate si prodeat, validum impulsu habiturum esse constet: magnum verò cum minimâ, parum effectus aut nullum, ad violandas partes. Itaque si vacua concipiatur intestina, aut solido oppleta corpore, facilis evadit conclusio: at faeces inspissatas solido æquivalere nemo negaverit, cum sæpe adeo exsiccantur, ut non modò duræ evadant, sed etiam non ratò lapidescant. Vidi olim pueri intestinum rectum valde dilatatum in quo faeces erant induratae & stratae, instar lapidum in muro, certâ ratione consistorum, quarum inter commissuras, fluida magis effluebant. Atque in infantibus hoc non adeo infrequens malum; quod exeuntium forma, vitætarum instar prodit. Igitur si super invicem nativâ lubricitate repentiâ concipias intestina, & in quamcumque partem impelli prona, atque impingentia ubi resistentia minor, necessariò concludes illa, ubi vis sufficiens aderit, herniam procreatura, fibras scilicet mesenterii extendendo, peritoneumque dilatando. Sed vis illa nusquam reperitur in canali membranaceo, nisi aliqui solidi contineant, hoc est, faeces plus minusve spissas, & in majori aut minori quantitate; exceptâ subitanæ herniæ occasione, in quâ velocitas aucta, molis defectum compensabit. In hoc casu accidere potest ruptura si quæ fiat, de quâ dubitant non pauci alii-que perneant; Licet illius exempla bene multa, fortèque non satis dilucidata, apud Autores inveniantur: nec sine causâ. Ferè semper enim utraque peritonei membrana, vel si mavis lamina, ut distinguunt Neoterici, sacum hernialem constituit. Ita ut in oscheocele inter utramque, extra sacum internum, spermatica oculcentur vasa. Idem non evenit in herniâ crurali, quia vasorum cruralium vagina, etiam si peritoneo procedere videatur fortèque oriatur, ex aliquot fibris laxè intertextis, vasisque admodum hærentibus componitur & vagina speciem exhibet. Hinc tantum ad latus dum sub arcu, ut aiunt, quam hic musculorum aponevroses efficiunt, transit, Non verò intra illam, fieri consentaneum est: quodque certitudinem dictorum auger, in herniâ crurali non secus ac aliis, & ipsa etiam cystocele, saccus ex utraq; internâ, externâque peritonei laminâ, constat.

IV.

IN inguine frequentior esse consuevit partium prolapsus, tum quia declivem sternunt viam spermatica vasa, tum quia diductæ fibræ, in imâ transversæ & obliquorum musculorum parte, aperturas relinquunt; quæ licet distat, pro sita varietate, aliquando juxta positæ, quasi in unum breve coeunt iter: annulorum nomen immerito obtinent, nisi fortè quod obliquus externus aliquid

Fernel. Partih.
l. 6. c. 10.

J. Munk
Chirug. l. 1.
c. 30.

simile representet : nam fibrarum tendinosarum hujus musculi divisio per longitudinem, fissura in modum, sic se habet : in inferiori parte fibræ sese decussant, & ab aliquot aliis tendinosis fibris musculorum femoris, versus hanc partem originem ducentium, pariter decussantur sed supernè & inferè inibique certo modo intertexæ & expositæ; multorum oculis annuli formam exhibent. Non ideo tamen ita frequenter adhuc accideret hernia, nisi alia concurrerent; adest sæpius partium certa dispositio, quæ illius generationem juvat; humiditas, laxitasve membranarum, pinguedinis copia, pondere suo partes deorsum trahens, vel quid simile. in Exomphalo exempli causâ nodus, vel funiculi umbilicalis ligatura laxior quâvis de causâ, viam præbet: partes enim flexiles & naturâ suâ lubricæ ac impulsæ, facile irruunt & illam subintrant. At in pueris prævia & observatione digna sæpius reperitur partium bubonocœlem adjuvans dispositio: peritonei processus dixere, quos negat Blancardus; herniaque curatæ reliquias censet; sed ab aliis pro naturali habetur dispositione: ubi scilicet spermatica vasa exteriori peritonei membranâ circumsepta, ab obliqui externi annulo, ad testes feruntur. in infantibus ductus occurrit cæcus, calami scriptorii crassitie, pollicis longitudine, instar ductuum illorum quos non nulli observantur Anatomici, & sub cæcorum nomine descriperunt in canibus; quos gradiendi modus, adversus herniam tutos facit. Nuck qui primus illos in mulieribus invenit, masculis denegavit. Hi ductus in homine prævi sunt conformationis morbus, causaque cur pueri ram sæpe herniosi fiunt. Si sensu aliquo deregere hos ductus concederetur in viventibus, aut audacter herniam prædicere, aut diæticam prophylaxim influere liceret. Cùm hæc processus adest, si ceteræ concurrant causæ, facilis descensus: quamvis enim non omnino liberam inveniant viam, descensuræ partes; cum inibi minor adsit resistentia, vel minimâ vi, leves istos remove, & superare queunt obices. Notat Hippocrates hyeme præsertim pueros herniosos fieri; nullâ aliâ profectò de causâ, quam quod ut idem pronuntiavit, tum ventres sunt calidiores: fæces hic calor inspissat, exsiccat, durasque reddit: unde non nisi magno iteratoque conatu egeruntur; auctaque intestinorum moles, sic majori vi in herniarum leves remoras agit. Quam salubris in hac diathesi foret, ad præcavendas hernias, symptomataque herniæ supervenire solita, Diætica prophylaxis, intelligit quisquis jatrices fonte labra proluit: idque evidentiùs, si recorderetur totam gymnasticem ut sanitati conducat, hac hygieines parte ditigi posse, quæ motum & quietem, ideoque exercitia moderatur. hujus præceptis occurrit procatharticis causis; præcaventur nocumenta quæ ab exercitationum immoderatione exurgere solent: nam unicuique pro conditione & diathesi propriâ, prohibet motus vehementes, saltationes, ponderum gestationem, cantum, tubarum, similibusque inflationem, in aliis morbis non innoxiam; vel saltem imminutionem jubet, quia valde corpus concutunt, vim interaneorum ardentium in annulos adaugent, additâ velocitate: præterea calefaciunt, torrent, & exsiccat viscera; constipationemque vel accelerant, vel adaugent. Hygieiaisticis aliis legibus diæta obsecratem avertit, alui laxitatem procurat, alimentorum, membranas relaxantium, abusum vetat. Si autem hæc omnia dictis temperentur legibus, causæ omnes supra allatæ, partum aut nihil efficacitæ habituræ sunt, ad excitandam herniam: immò in herniosis dictæ præcautiones, verè erunt ilei remoræ; ipsiusque generationem præpedient: si præsertim fluxilis alvus, excrementorum copia non oneretur. Aliter verò se res habebit, si excrementis scatent, quæ canalem intestinum oppleant, quò spissiora hæc, solidiorave, eo majorem intestinis addent molem: ideoque vim & nifum (momentum ajunt mechanici) adaugere valebunt: unde prætermultos morbos quos creare solent, ipsas hernias accelerabunt, illasque & exasperare poterunt; ita ut letho proximus superveniat ileus; hic quidem ottum sum ab hac potius causâ, quam ab annulo strictiore repetit: licet enim flatus in intestino strangulato contenti, non raro refusionem in abdomen colibeant; diversa tamen non est strangulationis causa: id enim semper ab alio nimis adstrictâ procedit. Nisi enim obstraret flatum redditui, fecum solidiorum co-

Blancardi Inst.
Chirg. c. 25.

Graaf,

Deloc. in flor.
§. 12.

piâ, fluiditate nativâ, facile elaberentur, vel minimâ rimâ. Quod verò flatus ab alvi constrictione oriantur, evincunt alvi sicciore, quæ tanto pedendi desiderio tenentur, flatusque ipsi qui tali alvo præditos tantopetè excruciant. In alvo enim laxâ & temperatâ, vix generantur flatus: quos nihil aliud esse comprobatur œolipilæ exemplo, quam æris portio rarefacta: rarefactio autem à calore, & calor in visceribus, à fæcum subsistentium quantitate. Sed quod his omnibus coronidem imponit, præstantiores practici, ileum herniosorum, non aliter aggregi consueverunt, & curare, quam emollientibus, diluentibusque intus & extus adhibitis. Hujus curationis exempla apud Schenkiuum, Forestum, Hildanumque Chirurgorum sui ævi, Medicus licet, facile principem.

V.

SI herniæ situs indicationem non mutat, saltem media immutat, aut variam reddit indicatorum applicationem. Hinc quanti intersit herniatum species ab invicem propriis signis discernere, immò hernias ipsas, à cæteris tumoribus, qui ferè semper novitiis imponunt, nonnunquam & expertis; planum est. Probè itaque distinguenda ab abscessu, hernia illa, quam *ventralem* dicunt. Chirurghi hæc non paucos decipit. Bubonocèle à bubone simpliciter, venereo, pestilenti, vel recurrente in inguina testiculo; quem verò testium inflammatio pro ophœocèle decipiet? Chirurgus quidem in tumorum dignatione falli turpe; ac quantò magis medicinam profitenti, si non cognitâ herniâ, alium accuset affectum, remediaque contraria præscribat. Simili nuper errore perit vir optimus, quem melancholicâ affectione vexatum jactabant Thralesones; dum herniâ crurali conficiebatur: hanc cadaveris sectio ignorantiam prodidit. Sic optimares, sæpiusque magnates, condignas meritis luunt pœnas malè collocatæ fiduciæ: apud quos valent obsequium, & mendacium, Medicina verò ignotatur. Ne te talis error ludat: non semper ex ægri aut astantium relatione de morbo judica. Quotidie enim, tanta est in illis sui ipsius ignoratio, tuncmo aut dyssenteria affecti, de diarrhœa conqueruntur: in pectoris morbis, stomachum accusant: & vice versâ in ventriculi affectibus, cor. *Ægram* itaque partem si fieri potest oculis lustrato, digitisque explorato: atque pyxidis nauticæ inflar in herniis, cæteris consentientibus, venturi, timendive ilei pathognomicum hoc tibi sit signum. Tormina instar colici colicis, ab eodem loco strangulationis nempe initium sumentia, ibidemque desinentia; quæ strangulationem citò denuntiant, quam proximè sequitur iliaca passio. Cui Diagnosin nota erit, & herniarum, & ilei prophylaxim facile instituit; acerbumque hoc symptoma imminens arcebit; alvi scilicet laxitatem procurando, blandis enematis, scitu; balneo, cataplasmatibus emollientibus; uno verbo, quidquid intus aut extus emoluit, ante & in ipso ileo; adhiberi convenit; & alvinæ fæces sunt largo potu diluendæ. His medendi peritus addet venæ sectiones, & alimentorum delectum, quantitate identidem imminutâ. Quoties enim inedia in obesis Chirurgi cultros retudit: posteaque intestino reposito, subligacula, Bracheria nuncupant, convenientia præscribet: non enim unius formæ esse debent. scuto assuta pila, aliquo modo cava nonnunquam requiritur: in epiplocele præsertim, quam aliter Zirbalem herniam appellat Chirurgiæ pater. Hæc in sinistro latere frequens, quâ non raro calidi senes, sub tertii dydimi larvâ, miseras simplicesque ludificant juvenculas uxores: ut laxioris inguinis turpitudinem dissimulent. Dum jacet exiguis ingenti cum ramice nervus. Fasciarum solâ gestatione, unâ cum reum non naturalium medicâ dispensatione, sanari potius consueverunt herniosi, quàm alstringentium usu. In eo scilicet ætas nostra, quod fasciis, rem veteribus inauditam, ferum, addere noverit: ex quo clateres, in his mirabilem sortiuntur effectum: facilius nempe parti accomodantur fasciæ, seu cingula, securiusque & strictius, illarum pilæ, scutave obturant, & continent. Fasciarum formas & parandi rationem multi exponunt; sed illas ferè omnes duabus figuris eleganter expressit Aquapendens; una cum aliis instrumentis ferreis, quæ fasciarum vices, in aliis morbis, & ad varios affectus subeunt. Quicumque dolorum atrocitatem, quibus vexantur herniosi, noverit; is facile prophylaxi se subjiciet: facilius adhuc à Medico invitabitur, si ipsi timenda,

Forestus l. 2.
obs. 21, 22, &c.
F. Hildanus,
Cent. 2. obs. 21.

Guilio Caulicæus
Tract. 6. doct. 2.
cap. 7.

Edit. in fol. l.

Chirur. Curore.
l. 21. c. 21.

De Medicina eff.
ficaci Pyrotech.
Chirur. l. 2.
p. 117.

Cesar Magarus
de ratâ vulnerum
curatione
& induratum
abusu.

perpetiendaque narret, & graphicè describat scævitiâ Chirurgicalium, quibus symptomati funesto, à facibus induratis inducto, succurritur. Hâc audiâ narratione, quis de prophylaxi sollicitus non evadat? Scævitiem hanc extollit Talia-corius, operum modos ex Paul. Æginetâ, & Ætio referens: nam igne & ferro, hanc ægritudinem curabant veteres, ut notat Severinus: sed hujus Chirurgiæ immanitas exolevit. Exolvere etiam inutiles & damnosæ ligaturæ, ipsæque auræ, vel plumbeæ: punctum vocant deauratum; nec nisi ab impostoribus suspensio dignis, propter sacrarum ablationem partium, deinceps perficiuntur. Jam quidem nos mitius, & magis cautè curamus: non hamis, ut docet Celsus, evolvendas partes suspendimus: nam digitis minùs durè, commodèque magis tractantur, ungibus leviter lacerantur membranarum, solvunturque adhesiones, si quæ sunt. Immo auri sunt absque ligaturâ, & divulsionem totum impunè in abdomen refundere; rejectâ etiam (quod est doctrinâ Magari corollarium) turunda clavata, seu capitata. Eventus felix, audaciam comprobat. Agamen non scævitiâ, nec dolore, immò nec periculo, vacat his temporibus usitata, operis. Chirurgici administrandi ratio; periti expertique etiam inter manus Chirurgi. celeritatem poscit operatio ista: Quoties enim tardiùs executioni mandata, inutilis evasit: intestino scilicet gangrænâ coepto; ut observavi, institutâ prognosi, ex signis, delirio nimirum cæteris symptomatis addito; doloribus statim & derepente absque manifestâ causâ cessantibus? Hæc qui attento perpenderit animo, si Medicus, totis incumbat vitibus prophylaxi: si ægiotus, lubens & obsequens, præscriptam à Medico amplectatur diætâ. Utetur scilicet alimentis euechymis, eupseptisque. Salsa, acria, piperata, fumo indurata, aut mutâ condita, vitabit. Salfamentorum omne genus, calidaque omnia, vinum meracum, aut ardentes hofrebit liquores. Humeſcantibus tantum cibis & potu, alvumque lententibus, vesi non dedignabitur. Herbas præfettim, quæ inter alimenta locum sibi vindicant, spinaciâ, lactucâ, betâ, facum licet, fabris non relinquet, aut alias consimiles. Fructus maturos, refrigerantes, persica, pruna, poma, pepones, & ficus, quæ alvum ducunt, sibi apponi curabit. Nec in deliciis habebit immaturos, & austeros, quos nisi coctos & ratò degustabit. Largo aquæ potu assumpta diluet, acetariis oleo perfusus appetitum ciere poterit: ac modo feto lactis, alvum pigram ducere: aut ipsius siliquæ ægyptiacæ medullâ, simplici, vel coctâ, saccharove conditâ, vel denique interno olorum usu. Sulphura sulphuribus solvi, apud Chymicos audies; hinc in constipatis, si certò alvum ducere volueris, nunquam sine oleo injiciantur enemata. Nam in facum duritie *ἡγυμνὸν* oleum. Alia sæpè medicamenta facibus intactis durioribus transeunt. At sæpè moles quædam facum indurata, calor vi, intestinum rectum extremum, ita oburat; ut quavis medicamenta, etiam actiota, reddat irrita, tum laxantia simplicia, oleo permixta, paginam omnem adimplent: malaque inde ventura bene multa, præcavent. Nam feces in intestinis diutius commorantes, caput tentant, totum corpus excalefaciunt. Si duræ, tenesmos & dysenterias excitant, ileum quoque sæpius, internæ intestinorum tunicæ adherentes, creant. Quod quidem symptoma herniæ superveniens, si citò occurrat, omni lenientium, emollientium, laxantiumve genere, aut denique ipsâ sectione, lethale evadit. Hæc omnia facili negotio averti possent, si præcautio adhiberetur. Carent enim his malis, quibus alvus est laxa, & dejectio facilis. In illorum intestinis feces moras non trahunt, nec timent symptoma horrendum, ex contraria diathesti oriri solitum. Ergo

Alvi laxitas præcavet Ileum in herniosis.

Proponebat Parisiis ANTONIUS CASAMAJOR, Benearenſis,
Baccalaureus Medicus, A. R. S. H. 1721. à sextâ ad meridiem.

Typis J. QUILLAU, Universitatis & Facultatis Medicinæ
Typographi.